


2002

KRONOGRAMA MOMENTU SIGNIFIKANTE BA ORSAMENTU SENSIVEL BA JÉNERU IHA TIMOR-LESTE

2019



Sekretaria Estadu ba
Igualdade no Inkluzuun (SEII)

ORSAMENTU SENSIVEL BA JÉNERU IHA TIMOR-LESTE

Timor-Leste nia kompromisu atu realiza igualdade jéneru mak reflete iha nia Konstituisaun Nasional no liuhosi adosaun hosi enkuadramentu legál no normativu importante nu'udar fundamentu ida atu aselera igualdade jéneru no empoderamentu feto nian. Hosi 2010, orsamentu sensivel ba jéneru (GRB) mak aplika hela nu'udar abordajen política estratéjika atu integra perspektiva jéneru sira iha prosesu planeamento no orsamentasaun. GRB ne'e refere ba prosesu atu hanoin, planeia, aloka no ezekuta rekursu, monitoriza, analiza no audita orsamentu sira ho maneira ne'ebé responde ba asuntu jéneru. Nia envolve análise kona-ba aloksaun no despeza atuál Governu nian ba feto no labarik-feto sira kompara ho hirak-ne'ebé halo ba mane no labarik-mane sira liuhosi integrasaun análise jéneru iha prosesu planeamento no orsamentasaun. Ida-ne'e bele asegura katak Estadu nia kompromisu nasional no internasional sira kona-ba igualdade jéneru mak tradús tiha sai asaun no la signifika atu fahe orsamentu 50% ba feto ka simplesmente aumenta despezas ba programa sira-ne'ebé orienta atu hatán ba asuntu feto sira-nian. Orsamentu sensivel ba jéneru ida sei asegura katak nesesidade no interesse hosi individúu sira ho identidade diversu (ho konsiderasaun ba jéneru, idade,abilidade, fatin jeográfiku, rendimentu, nst.) hetan resposta iha política sira relaciona ho despeza no reseita sira.

Timor-Leste nia esforsu sira ba GRB ne'e introdús tiha ona formalmente liuhosi Rezolusaun Parlamentár Nú. 12/2010, maibé fundamentu ba servisu ne'e mak hahú uluk hanesan parte ida hosi prosesu harii nasaun ne'e uluk kedes, ho apoiu hosi ONU. Iha Governu nia laran, Makinaria Nasional ba Igualdade no Inkluzau (Sekretária Estadu ba Igualdade no Inkluzau), Gabinete Primeiru Ministru no Ministériu Finansas iha knaar sentrál atu halo hodi lidera no lori GRB ne'e bá oin. Komplementa hela esforsu governu nian, organizasaun sosiedade sivil sira no akademia mós kontribui ba atu fó suporta ativu ba GRB iha siklu planeamento no orsamentu tomak, iha nível nasional no lokál sira.

Ho tempu la'o dadaun, parseriu barak mak apoiu ona Timor-Leste nia esforsu iha GRB. UN Women (no uluk UNIFEM fornese hela apoiu tékniku no finanseiru ba atór lidera GRB sira no fasilita diálogu no kolaborasaun iha instituisaun governu no organizasaun naun-governmentál sira, no mós ho entidade fiskalizasaun sira, hanesan Parlamentu Nasional. Iha família ONU nia laran, PNUD no UNICEF mós halo kolaborasaun. Doadór sira ne'ebé suporta esforsu ida ne'e inklui Governu Austrália (liu-hosi nia inisiativa Government for Development), Governu Irlanda (Irish Aid), Noruega, Uniaun Europea.

Rede Feto no nia membru sira, liuliu Fokupers no Fundasaun Alola, halo knaar importante iha koordenasaun no mobilizasaun organizasaun sosiedade sivil sira atu partisipaativamente no halo advokasia ho Parlamentu Nasional no ministériu governu nian sira ba aloksaun rekursu sira relaciona ho igualdade jéneru. Nu'udar rezultadu ida, hosi 2010, organizasaun sosiedade sivil ho apoiu hosi UN Women, hala'o hela série hosi análise orsamentu kada tinan, ne'ebé fornese análise kona-ba Estadu nia planu no orsamentu anuál. Nu'udar Grupu Traballu ba GRB, sira halo ona submisaun 9 ba Parlamentu Nasional, Iha tinan balu foin lalais ne'e nia laran, ONG internasional sira iha Timor-Leste mós fó suporta ba esforsu sira ho sosiedade sivil nasional atu halo kontribuisaun ba orsamentasaun inkluzivu liután.

Ho interesse ne'ebé sa'e ba dadaun no rekoñesimentu ba Timor-Leste nia esforsu sira ba GRB nu'udar práтика di'ak liu ba rai sira-seluk ne'ebé halo hela investimentu ba reforma jestaun finansas públikas, kronolojia tuirmai ne'e haklaken hela importânsia hosi investimentu ba abordajen inkrementál, institusionalizadu no ho pertense nasional ba GRB, ne'ebé mak esensiál atu bele halo impaktu signifikadu ba feto no labarik-feto sira-nia moris.

PRÁTIKA DI'AK LIU



Baze lejizlativu forte:

- Inklusaun igualdade jéneru iha Konstituisaun Repúblika Demokrática Timor-Leste (art. 16 no 17)
- Rezolusaun Parlamentár adopta iha 2010
- Rezolusaun kona-ba Grupu Traballu Jéneru (GTJs) ne'ebé rekizita Presidente iha nivel diretór atu halo desizaun forte liután.¹
- Jéneru integra ona iha Mapa Dalan Orsamentasaun Programática nian no Nota Polítika GRB adopta tiha ona atu orienta nia implementasaun.



Kompromisu iha nivel aas liu hotu:

Gabinete Primeiru Ministru rekizita katak liña Ministeriu sira integra jéneru iha Planu Asaun Anuál sira



Mekanizmu no estrutura institucionál ho mandatu atu koordena no monitoriza katak implementasaun ba kompromisu ba igualdade jéneru mak estabelese tiha ona hosi nivel aas liu hotu no iha setór hotu-hotu



Makinaria Nasional ba Igualdade no Inklusaun hakbiit tiha ona (SEII) mantein hela advokasia no suporta ba estabelesimentu política no kapasidade sira ba integrasaun abordajen jéneru iha nivel institucionál tuir tempu



Diálogu parlamentár ho sosiedade sivil kona-ba alokasaun Orsamentu Estadu envolve organizasaun feto no autór komunidade sira-seluk



Involvementu ativu hosi sosiedade sivil no utilizasaun GRB nian ba advokasia:

Advogadu feto sira-nian, lidera liuhosi Fokupers (membru Rede Feto) no grupu feto sira-seluk uza momentu ne'ebé hetan hosi servisu GRB atu ezije ba alokasaun rekursu ba ministériu no sekretária estadu responsavel ba implementasaun Lei Kontra Violénsia Doméstika (LKVD). Grupu Traballu Advokasia LKVD sai Grupu Traballu GRB ho membru seluk tan. Organizasaun sosiedade sivil sira uza GRB atu ezije ba ministériu xave sira atu aloka rekursu sira ba implementasaun LKVD no Grupu Traballu GRB/Grupu Orsamentasaun Inkluzivu atu monitoriza orsamentu no implementasaun hosi kompromisu sira ba igualdade jéneru.



Orsamentasaun Sensivel ba Jéneru integrada iha prosesu planeamento no sistema sira ba Orsamentu Estadu Jerál:

Rekizitu jéneru sira mak espesífiku iha Sirkulár Orsamentu, preparasaun orsamentu, prosesu revizaun orsamentu, monitorizasaun orsamentu no reportajen kona-ba orsamentu. Instrumentu GRB sira (markadór jéneru no programa indika ona kona-ba igualdade jéneru) mak integra ona iha sistema orsamentu online (*Dalan Ba Futuru*) **Governu nia relatório kona-ba ezekusaun orsamentu**: liuhosi relatório trimestral no anuál ne'ebé inklui análise kona-ba jéneru no direitu labarik hahú hosi 2017. **Enkuadramentu no relatório progresu monitorizasaun igualdade jéneru nian** elabora tiha ba política jéneru no kompromisu internasional oioin.



Kapasitasaun sustentadu ba Governu no atór OSS sira kona-ba planeamento no orsamentasaun sensivel ba jéneru, inklui materiál atu introdús GRB ba formasaun indusaun funtionáriu sivil sira-nian

1. Orsamentu Sensivel ba Jéneru iha Timor-Leste: Dokumentasaun & Avaliasaun Kapasidade iha SEPI, Liña Ministériu & Organizasaun Naun-Governmentál, 2012, UN Women

GRB IHA NÚMERO SIRA

4



Deklarasaun Orsamentu Jéneru 4 dezenvolve tiha ona tiha (2008, 2009, 2010, 2019)

4



Submisau Grupu Traballu OSS 4 kona-ba Análize Orsamentu Jéneru hatama ba Parlamentu Nasional (2011, 2015, 2016, 2018)

8



Instituisau 8 hetan asesu ba apoiu tékniku atu integra kompromisu jéneru sira iha Planu Asaun Anuál no orsamentu sira (2016)

16



Organizasaun sosiedade sivil 16 envolve ativamente iha análise jéneru kona-ba Orsamentu Estadu no monitorizasaun ba implementasaun

61%



hosí orsamentu institusionál sira (ajénsia governu 22 hosí totál 36) integra indikadór jéneru atu sukat implementasaun hosí kompromisu sira ba igualdade jéneru (2016)

600+



Atór liu 600 hosí governu, sosiedade sivil, no fiskalizadór sira (delegadu no funzionáriu Parlamentár) hetan espozisaun ba konseitu GRB no ligasaun ho direitu labarik, juventude, ema LGBTI no ema ho defisiénsia sira hosí 2010 to'o ohin-loron

KRONOLOJIA GRB

2000 — 2003

HAHUU FUNDASAUN

2000 — 2002

- Halo Fundamentu: igualdade jéneru introdús tiha ona tama ba ajenda hari-nasaun nian.

- Integrasaun abordajen jéneru nu'udar abordajen política mak fasilita servisu futuru nian relasiona ho orsamentasaun sensivel ba jéneru.²

2003

- Kriasaun Gabinete Promosaun Igualdade (GPI)³ atu fornese konsellu política kona-ba igualdade jéneru iha Gabinete Primeiru Ministro nia laran, inklui kona-ba integrasaun abordajen jéneru iha lejizlasaun, política no programa⁴ no estabelesimentu Pontu Fokál Jéneru sira iha liña ministeriu no distritu sira.⁵

- Ratifikasiun hosí Konvensaun konaba Eliminasaun ba Forma Diskriminasaun Hotu-Hotu Kontra Feto (CEDAW) no nia Protokolu Opcionál

2. Gender-Responsive Budget in Timor-Leste: Documentation & Assessment of Capacity in SEPI, Line Ministries & NGOs, UN Women (2012).

3. Iha 2008, entidade ida-ne'e mak hanaran Sekretariadu ba Promosaun Igualdade (SEPI), iha 2015 hanaran fali Sekretariadu ba Apoio Sosio-Ekonómiku no Promosaun Feto (SEM). Hosi 2019, nia hanaran fali Sekretariadu Estadu ba Igualdade no Inkluzuaun (SEII)

4. UN Women (2012)

5. Ida-ne'e kontinua servisu ne'ebé hahú liuhosi UNTAET (Unidade ba Asuntu Jéneru), hanesan revizaun ba lejizlasaun no kapasitasaun ba Liña Ministériu sira atu integra jéneru iha Planu Asaun Anuál sira

2003 – 2011

ESTABELESE MEKANIZMU INSTITUSIONAL NO ESTRUTURA SIRA

2008

- Estabelesimentu **Sekretária Estadu ba Promosaun Igualdade (SEPI)** (Dekretu-Lei Nú.16/2008) nu'udar orgaun governu prinsipál ba dezeňu, ezekusaun, koordenasaun no avaliasaun kona-ba política sira ba promosaun igualdade jéneru.⁶

- Estabelesimentu hosi **Sentru Rekursu Jéneru (CRG)** iha Parlamentu agora sai Sentru ba Promosaun Igualdade Jéneru (**CEPIG**)⁷ atu asegura katak jéneru mak integra ona iha lejizlasaun no orsamentasaun
- Livru Orsamentu Estadu inklui Deklarasaun Orsamentu Jéneru**⁸ ne'ebé sumariza esforsu sira kona-ba integrasaun abordajen jéneru no orsamentasaun sensivel ba jéneru

2010

- Rezolusaun Parlamentár kona-ba GRB (Rezolusaun Nú.12/2010)**

Rezolusaun ida-ne'e fornese hela enkuadramentu legal ba introdusaun GRB nian no fornese tan mandatu ba Parlamentu, no Governu atu promove igualdade jéneru liuhosi planeamentu no orsamentasaun ne'ebé sensivel ba jéneru

- Adosaun Lei Kontra Violénsia Doméstika (Lei Nú. 7/2010)**

Parlamentu Nasional aloka orsamentu ba MSS atu fó suporta ba uma-mahon no sobreviente hosi violénsia bazeia-ba-jéneru no Sekretária Estadu ba Seguransa atu sosa veíkulu sira ba Unidade Pesoal Vulneravel (VPU) iha Orsamentu Estadu 2011

2011

- Planu Dezenvolvimentu Estratéjiku Nasional ba Timor-Leste 2011-2030 identifika igualdade jéneru nu'udar prioridade ba dezenvolvimentu ba Timor-Leste**

- Grupu Traballu Jéneru estabelese tiha ona (Lei Nú. 7/2011)** iha ministériu no sekretariadu estadu ida-idak, no mós iha nível munisípiu, atu haforte no hadi'ak nia efisiénsia no garante integrasaun perspektiva jéneru iha elaborasaun estratéjia, política, programa no lejizlasaun governu nian⁹.

- Karta hosi Primeiru Ministru ba ministériu hotu-hotu iha envelope fiskál 2012 deklara esplisitamente katak ministériu sira tenke reflete GRB iha sira-nia Planu Asaun Anuál sira**

- Grupu Traballu GRN dahuluk hosi sosiedade sivil (ONG 12) nia submisau ba Parlamentu Nasional kona-ba nia análise hosi Planeamentu no Orsamentu Estadu 2012.**

Grupu nia karta ba Parlamentu advoga ba alokasaun rekursu liután (iha Orsamentu Estadu 2012) ba implementasaun Lei Kontra Violénsia Doméstika.

- MSS no ME aloka orsamentu ba kompromisu igualdade jéneru iha Orsamentu Estadu 2012.**¹⁰

6. Ida-ne'e mak inklui iha SEPI Programa Pilotu ba Integrasaun Abordajen Jéneru iha setór haat: agrikultura, edukasaun, saúde, no justisa (Gender-Responsive Budget in Timor-Leste: Documentation & Assessment of Capacity in SEPI, Lime Ministries & Non-Governmental Organization, 2012, UN Women)

7. Ho mandatu atu: fornese sensibilizaun kona-ba jéneru no asuntu relasiona ho jéneru ba Delegadu Parlamentár sira-hotu – feto no mane; fornese koñesimentu neutrál no naun-partidária kona-ba integrasaun abordajen jéneru ba membru hotu-hotu (feto no mane) atu buka-tuir ajenda komún ba igualdade jéneru; serve nu'udar Sentru ba koñesimentu no informasaun kona-ba igualdade jéneru no empoderamentu feto iha Parlamentu liuhosi harii rede sira ho parte-interesada relevante iha governu, sosiedade sivil no akademia

8. Timor-Leste, Ministériu Finansas Livru Orsamentu 1 ba 2008, 2009, 2010

9. <http://easttimorlegal.blogspot.com/2011/04/tlgov-council-of-ministers-meeting-of.html>

10. MSS aloka tiba rekursu sira hodi renova uma-mahon ida iha Tibar no atu kria NOP ba MSS atu fornese assisténsia ba vítima hosi violénsia doméstica no violénsia bazeia-ba-jéneru seluk no atu sosializa Lei Kontra Violénsia Doméstica. ME hahú introdusaun matéria kona-ba jéneru iha eskola (Programa ODM, Relatório Final ba Governu España)

2012 – 2015

HAFORSA SYSTEMA KAPASIDADE SIRA

2012

- SEPI lidera elaborasaun no adosaun hosi Planu Asaan Nasional kona-ba Violénsia Bazeia-ba-Jéneru (PAN-VBJ) ba dalahuluk nu'udar Timor-Leste nia estratéjia multi-setoriál ba implementasaun LKDV.

- Governu no OSS sira aplika GRB ba kalkulasaun kustu no elaborasaun enkuadramentu M&E ida ba PAN-VBJ
- Ministériu Finansas inklui SEPI hanesan membru ida iha Komisaun Revizaun Orsamentu

2013

- Sirkulár Orsamentu Estadu rekizita katak liña ministériu sira aloka fundus ba implementasaun kompromisu jéneru sira-nian.
- Elaborasaun Instrumentu GRB ba Planu Asaan Anuál Ministériu nian (PAA sira). Lista-kontrolu jerál sira ba

liña ministériu hotu-hotu (2013-2014) no lista-kontrolu espesífiku ba liña ministériu 10 elabora tiha (2015-2016) hodi apoia alokasaun rekursu espesífiku-tuir-setór sira ba kompromisu igualdade jéneru ne'ebé halo ona no análise jéneru kona-ba planu no orsamentu sira liuhosi SEPI no Caucus Feto Parlamentár.

2015

- Ministériu Solidaridade Sosial halo estudu kona-ba kustu estimativu atu presta servisu esensiál sira ba sobrevivente hosi violénsia bazeia-ba-jéneru, bazeia ba kompromisu sira iha PAN-VBJ
- Livru Orsamentu sira inklui dadus dezagregadu tuir seksu ba funsionáriu sivil sira iha kada instituisaun governu nian.
- Deklarasaun Maubisse aprova liuhosi instituisaun 15 nu'udar deklarasaun ministeriál kona-ba empoderamento ekónomicu feto rurál sira-nian, no haklaken hela prioridade igualdade jéneru ba investimento liuhosi Planu Asaan Anuál no Orsamentu sira.

- MF no PMO rekoñese GRB nu'udar parte ida hosi Reforma Jestaun Finansas Públikas no tranzisaun ba orsamentasaun programática.
- Ba dalahuluk, Rede Feto, hosi parte Grupu Traballu GRB (organizaun sosiedade sivil 16), hetan konvite atu apresenta análise kona-ba Orsamentu Estadu ba Komisaun Parlamentu Nasional responsavel ba Orsamentu Estadu.
- Gabinete Premeiru Ministru kria tiha ona Unidade ba Planeamentu, Monitorizasaun no Avaliasaun (UPMA) liuhosi Dekretu-Lei Nú. 22/2015 atu garante resultatudo sira hosi planeamentu, orsamentu, monitorizasaun no avaliasaun no esplorasaun inisiál kona-ba GRB iha orsamentasaun programática

2016 – 2019

SERVISU BA SENTIDU INSTITUSIONALIZASAUN

2016

- Aprovasaun hosi Timor-Leste nia PAN ba dahuluk kona-ba Rezolusaun Konsellu Seguransa UN 1325 (2000) kona-ba Feto, Pás no Seguransa, inklui enkuadramentu M&E, lidera liuhosi Ministériu Interiör
- Aprovasaun hosi Dekretu-Lei Nú. 3/2016 kona-ba Administrasaun Munisípiu ne'ebé rekizita munisípiu ida-ida atu integra igualdade jéneru iha prosesu planeamentu, implementasaun no monitorizasaun iha munisípiu (Art 74., Art 85. no Art 121.)
- Orsamentu ba igualdade jéneru aloka tiha ona iha Governu nia sistema finansas, hodi facilita oinsá atu trasa-tuir planeamentu no orsamentu relacional ho implementasaun kompromisu sira ba igualdade jéneru ne'ebé halo ona
- GRB apresenta ba dahuluk iha MF no GPM nia kolókiu ba planeamentu no orsamentu estadu anuál “Dalan Kinur” kona-ba nasau nia situasaun makro-

ekónomicu no envelope fiskál. SEM husu MF no GPM atu inklui jéneru nu'udar prioridade ba orsamentu 2017

- Rede Feto dezenvolve enkuadramentu monitorizasaun atu trasa-tuir progresu implementasaun Observasaun Konkluindu CEDAW hosi tinan 2015
- Análize Grupu Traballu GRB nian kona-ba Ezbosu Orsamentu Estadu 2017 advoga ho susesu hamutuk ho Grupu Feto Parlamentár atu hamosu mudansa sira iha Orsamentu Estadu 2017 liuhosi Parlamentu atu aumenta alokasaun ba fatin-seguru iha ospital sira ba sobrevivente violénsia
- Iha 2016, Governu aloka USD 47 milaun ba igualdade jéneru no ezekuta USD 33.3 Milaun (inklui fundus ba uma-kain ne'ebé hosi feto no kiak sira - *Bolsa da Mãe* no subsídu idozu sira-nian)

2017

- **Integrasaun abordajen jéneru iha Dalan Ba Oin ba Jestaun Finansas Públikas (JFP) no Orientasaun ba Orsamentu Programática.**
Matadalan kona-ba orsamentasaun programática integra jéneru: Gabinete Primeiru Ministru (GPM) fó mandatu ba liña ministériu sira-hotu atu integra pelumenus programa ida iha sira-nia Planu Asaun Anuál ba implementasaun kompromisu no política jéneru ne’ebé iha ona. GPM husu GRB nia implementasaun no integrasaun iha Dalan Ba Oin JFP nian. Matadalan kona-ba Jéneru iha Orsamentasaun Programática, Markadór Jéneru ba instituisaun governu hotu-hotu atu uza iha Orsamentu Estadu 2018, Indikadór Sensivel ba Jéneru, no Ezbosu Polítika Enkuadramentu Despeza Médu-Termu Konxiente kona-ba Jéneru mós elabora tiha ona durante períodu ida-ne’nia laran.
- **SEM lidera elaborasaun no lansamentu hosi Planu Asaun Nasional kona-ba Violénsia Bazeia-Jéneru ba daruak (PAN-VBJ) (2017-2019), ho enkuadramentu M&E no estimativa orsamentu bazeia ba ezersísiu kalkula kustu.**
- **Adosaun hosi Rezolusaun Governu Nú. 34/2017 kona-ba entidade koordenasaun no monitorizasaun kona-ba PAN-VBJ** atu haforte implementasaun Planu nian uza prosesu planeamentu no orsamentasaun sensivel ba jéneru
- **Adosaun hosi Rezolusaun Governu Nú. 35/2017 kona-ba Grupu Traballu Jéneru (GTJ)** ba mekanizmu integrasaun abordajen jéneru d’ak liután, liuhosi dezigna funsionáriu sivil nível superiör sira nu’udar membru GTJ sira, lidera liuhosi Prezidente Munisípiu, ho responsabilidade boot liu ba integrasaun abordajen jéneru nian iha política, orsamentu no planu sira.
- **Estrutura Orsamentasaun Programática governu nian ba sistema finanseiru no monitorizasaun integra tiha ona iha programa espesífiku-ba-jéneru, sub-programa no indikadór sira atu asegura integrasaun kompromisu jéneru sira-nian iha planu sira.**
- **SEM no UPMA analiza no relata ba dalahuluk kona-ba despeza vs. alokasaun atuál ba kompromisu igualdade jéneru sira**

2018

- **SEGIS no UPMA hala’o análise kona-ba despeza vs. rekursu ne’ebé aloka tiha ona ba igualdade jéneru iha 2017 no 2018**
- **Grupu Traballu Jestaun Finansas Públikas adopta Nota Polítika GRB**
- **Deklarasaun Orsamentu Jéneru ba Planu Asaun Anuál 2019** mensiona alokasaun \$1.17 milaun atu promove igualdade jéneru, \$138.59 milaun atu hamenus dezigualdade jéneru no \$ 1.04 milaun ba empoderamentu feto no labarik-feto sira-nian.

- Grupu Traballu Orsamentasaun Inkluzivu submete análise kona-ba Orsamentu Estadu 2019 ba Parlamentu Nasional no hetan konvite atu partisipa iha audiénsia pública ho Komisaun C, Komisaun F no GMPTL iha Parlamentu Nasional

2019

- **Ba dalahuluk Livru Orsamentu Estadu sira inklui Markadór Jéneru uza metodolojia OECD nian iha Orsamentu Estadu**
- **Kapasitasaun kona-ba análise jéneru no GRB, orsamentasaun inkluzivu ba direitu ema ho defisiénsia sira-nian envolve ema liu na’in 200, reprezenta hela organizasaun ema ho defisiénsia sira-nian (liuhosi Asosiasaun Defisiénsia TL)**, diálogu ho Delagadu/a Parlamentár, Grupu Traballu Orsamentasaun Inkluzivu, Pontu Fokál Jéneru hosi liña ministériu no pesoál Parlamentár.¹¹

11. Ida-ne’ne hetan apoio liuhosi Asosiasaun Defisiénsia Timor-Leste UN Women liuhosi Parseria ONU nian ba Direitu Ema ho Defisiénsia no Oxfam.



Sekretaria Estadu ba
Igualdade no Inkluziun (SEII)

